

Kinitakāteni ki he Fānau Taʻu

3-YEAR-OLD KINDER

Best Start

Best Life

Tolu

Ke fakaʻanaua ki ha
meʻa lahi, ʻoku fiemaʻu
ai ʻe heʻetau fānau ʻa e
kamataʻanga lelei tahá
ʻi heʻenau moʻuí



‘Oku ‘inivesi ‘e he Pule‘anga Vikatōlia ha meimei \$5 piliona ‘i he ta‘u ‘e hongofulu ke fakapa‘anga fakakātoa ‘aki ‘a e Kinitakāteni ki he Fānau Ta‘u Tolu – pea kuo ‘atā ia he taimi ni ki he vahefonuá kātoa.

‘Oku ‘uhinga eni ‘e toe ‘i ai ha ta‘u ‘e taha kehe ki he ‘enau akó, tutupú, va‘ingá mo e fakafeohi fakakaume‘a ‘a e longá‘i fānau ‘o Vikatōliá.

Ko e kau ‘a e longá‘i fānau ta‘u tolú ki ha polokalama kinitakāteni lelei ‘oku malava ai ke ne hiki hake ‘enau tu‘unga fakaako, tupu fakalalakaka, mo‘uí lelei pea sai mo e ola ‘enau mo‘ui fakalūkufua.

‘Oku ako e longá‘i fānau ‘o kau ki māmani mo hono ‘ātakai ‘i he ‘enau va‘ingá

Ko e ako ‘oku makatu‘unga he va‘ingá ko e founa ako lelei taha ia ki he longá‘i fānau. ‘Oku ne ‘oange ki he fānau ‘a e faingamālie ke faka‘aonga‘i ‘enau fakakaukau, fakalalakaka ‘enau poto‘i he lea pea mo ako ai ki he ngaahi

mata‘ifika mo e ngaahi sipinga me‘á. ‘Oku nau toe ako foki ai e founa ke fakafeohi mo ha ni‘ihi kehe, vahevahe, fakafanongo pea mo mapule‘i ‘enau ngaahi ongo fakaelotó.

Ko e fānau kotoa ‘i Vikatōlia ‘oku nau ‘atā ke kau ‘i he ta‘u ‘e ua ki he kinitakāteni kuo ‘osi fakapa‘anga

Mei he 2022 ‘e ‘aonga ki he longá‘i fānau kotoa ‘i he vahefonua ke nau kau atu ki ha polokalama kinitakāteni kuo ‘osi fakapa‘anga ‘o ‘ikai toe sí‘i ange he houa ‘e nima he uike takitaha. ‘E fakalahi ‘a e houa ni ki ha houa ‘e 15 ki he uike ‘i ha‘ane a‘u ki he 2029.

Tatau aipē pe ko e fē ‘a e kinitakāteni ‘oku ‘alu ki ai ho‘o tamá, ‘e tataki ‘a e polokalamá ‘e he kau faiako pea mo e ni‘ihi kuo ‘osi teuteu‘i fakafaiako

‘E lava ke kau atu ‘a e longá‘i fānau ki ha polokalama kinitakāteni ‘i ha taha e ongo polokalama ko ha tauhi‘anga taimi lōlōa (tokanga‘i e fānau) pē ko ha kinitakāteni ‘oku tu‘u taha pē.

‘Oku ako e longá‘i fānau ‘o kau ki māmani ‘i he ‘enau va‘ingá

‘Oku nau ako e founa ke feohi lelei ai mo ha ni‘ihi kehe, vahevahe, fakafanongo, mo mapule‘i honau ngaahi ongo fakaelotó

‘I ha polokalama kinitakāteni, ‘oku faka‘aonga‘i ‘e he longá‘i fānau ‘a e va‘ingá ke fakalalakaka ai ‘enau poto‘i lea pea nau ako ai ki he ngaahi mata‘ifiká mo e ngaahi sipinga me‘á

Ko e kau faiakó mo honau kau tokoní te nau tokoní‘i e fānau ‘i he‘enau akó ke nau ma‘u ha loto fifili, mohu founa mo e loto falala

'E lava ke fakahoko 'a e ngaahi polokalama kinitakāteni 'i he ngaahi feitu'u kehekehe

<p>Ngaahi Kinitakāteni Tu'u Taha</p>	<p>Ngaahi Polokalama Kinitakāteni 'Oku kau atu e fānau ki he polokalama kinitakāteni 'i he ngaahi 'aho mo ha ngaahi houa tukupau</p>
<p>Ngaahi Tauhi'anga 'Aho Kakato</p>	<p>Ngaahi Polokalama Kinitakāteni 'Oku kau e fānau ki ha polokalama kinitakāteni 'a ia ko e kongā pē ia 'o 'enau taimi 'aho kakato 'i he tauhi'anga</p> <p>Ako mo hono Tokangaekina Ko e ngaahi tauhi'anga taimi lōlōa 'oku nau fakahoko ha ako tokamu'a pea mo tokangaekina e fānau 'oku nau ta'u 0 ki he ta'u 6</p>

Ko e ngaahi polokalama kinitakāteni 'osi fakapa'anga kotoa pē kuo pau ke nau tauhi e ngaahi fiema'u fekau'aki mo e malu pea mo e ngaahi fakahinohino tu'ukimu'a 'a e pule'anga 'a ia 'oku fa'u 'o fakatatau ki he Fa'unga Fakalalaka mo e Ako ki he Ngaahi Ta'u Tokamu'a 'a Vikatōlia.

'E malava 'e he tauhi'anga taimi lōlōa ke fakahoko ha ako mo e tauhi 'aho kakato, 'o kau ai ha polokalama kinitakāteni. Ko e polokalama kinitakāteni 'e tataki 'e he faiako 'oku fakakau ki ai ha ngaahi houa ako makehe mo e tauhi foki. 'I he ako'anga tu'u tahā, 'e fakahoko pē 'a e polokalama kinitakāteni 'i ha ngaahi 'aho mo e ngaahi taimi tukupau. Ko e ngaahi 'aho mo e taimi ko iā 'oku fokotu'utu'u ia 'e kinautolu 'oku nau fakalele 'a e kinitakāteni.

'E makatu'unga 'a hono fakakau'aki e feitu'u ke 'ave ki ai ho'o tamá mei he ngaahi sēvesi 'oku ala ma'u 'i homou komiuniti, pea mo ia 'e lelei taha ki ho fāmilí pea mo ho'o tamá.

Ko hono lesisita ha taha ki he Kinitakāteni Fānau Ta'u Tolu kuo fakapa'anga kakato

Fakatalanoa ki he kinitakāteni ko ia 'i homou feitu'u kau ki he'enau founa ki hono lesisita e fānau pea mo e ngaahi taimi tēpile, pea ke 'a'ahi ki he'enau senitā 'o talanoa mo e kau ngāue. Ke ke 'ilo'i 'a e kinitakāteni 'i homou feitu'u pea mo ha fakamatala fekau'aki ki hono fili 'a e sēvesi 'oku fe'unga mo ho fāmilí, vakai ki he:

education.vic.gov.au/choose-kinder

Ko hono fili'i ko ia ha kinitakāteni 'oku lelei te ne lava ke fakapapau'i ai 'oku ma'u 'e he fānau 'a e lahi taha te nau ala ma'u 'i honau taimi 'i he kinitakāteni. Te ke lava 'o vakai ki hono fua fakahokohoko 'o e ngāue lelei 'a ha kinitakāteni 'aki ho'o vakai ki he

www.startingblocks.gov.au

Taimi ke kamata ai 'i he Kinitakāteni Fānau Ta'u Tolu kuo fakapa'anga kakato

Ko e tokolahi e ngaahi kinitakāteni kuo 'i ai pē 'enau founa ki hono fakahū e fānau 'o fakaava pe mei he ta'u kimu'a e kamata e fānau 'i ha polokalama kinitakāteni, ko ia ai 'oku totonu ke ke fakakaukau ki ai 'i he hokosia pe ta'u ua ho'o tama.

Ko e ngaahi fāmilí pea mo e kau tauhi 'o e longā'i fānau na'e fā'ele'i 'i he vaha'a taimi 'o Sanuali mo 'Epeleli, te nau lava 'o fili 'a e ta'u ke nau kamata ai 'i he Kinitakāteni Fānau Ta'u Tolu 'a ia kuo 'osi fakapa'anga kakatō. 'E malava pē ke fili 'e he ngaahi fāmilí ke toki hū 'enau fānau he ta'u hono hokó ke tatau mo e ta'u hū ko ia 'a e 'apiako, lolotonga ia 'e lava ke kamata 'a e longā'i fānau 'e ni'ihi 'i honau ta'u ua.

Ko e longā'i fānau kotoa na'e fa'ele'i 'i he vaha'a taimi ko e 'aho 1 'o Sanuali pea mo e 'aho 30 'o 'Epeleli 'oku 'atā ke nau hū ki he Kinitakāteni ki he Ta'u Tolu 'i he ta'u 'oku hoko ai honau ta'u tolú pē ta'u 'oku hoko ai honau ta'u fā.

Kapau 'oku 'ikai ma'u 'e ha kinitakāteni 'a e fika fua tokolahi 'o e kau faiakó 'o fakatatau ki he tokolahi e longā'i fānau 'oku nau ta'u uá, 'e 'ikai malava ke hū e longā'i fānau ko ia kae 'oua leva kuo hoko honau ta'u tolú.

Ko e longā'i fānau na'e fa'ele'i 'i he vaha'a taimi ko e 'aho 1 'o Mē pea mo e 'aho 31 'o Tisema 'oku toki ngofua ke nau hū ki he Kinitakāteni Ta'u Tolu 'i he ta'u 'e hoko ai honau ta'u fā pea ki he Kinitakāteni Ta'u Fā 'i he ta'u 'e hoko ai honau ta'u nimá.

Kamata'anga 'o e ngaahi ta'u kinitakāteni

'Aho fā'ele'i 'o e tamasi'i pē ta'ahine	Ngaahi fakamatala	2020	2021	2022	2023	2024
21 'o Tisema 2016 - 30 'o 'Epeleli 2017	'Oku lava ke fili 'e he ngaahi fāмили pe 'e kamata 'a e ako 'i he 2022 pe 2023	Kinitakāteni Fānau Ta'u 3	Kinitakāteni Fānau Ta'u 4	Ta'u Teuteu (Prep)	Kalasi 1	Kalasi 2
1 'o Mē - 20 'o Tisema 2017*			Kinitakāteni Fānau Ta'u 3	Kinitakāteni Fānau Ta'u 4	Ta'u Teuteu (Prep)	Kalasi 1
21 'o Tisema 2017 - 30 'o 'Epeleli 2018	'Oku lava ke fili 'e he ngaahi fāмили pe 'e kamata 'a e ako 'i he 2023 pe 2024		Kinitakāteni Fānau Ta'u 3	Kinitakāteni Fānau Ta'u 4	Ta'u Teuteu (Prep)	Kalasi 1
1 'o Me - 20 'o Tisema 2018*				Kinitakāteni Fānau Ta'u 3	Kinitakāteni Fānau Ta'u 4	Ta'u Teuteu (Prep)

*Ko e 'aho 'i Tisemá ko e Teemi 4 faka'osi ia he ako'anga 'a e pule'anga. Kapau 'oku hoko ki mu'a 'a e 'aho faka'osi ki he Teemi 4 'o e 'apiako na'e fili 'e ha fāмили, pea ngāue'aki 'a e 'aho ko ia.

Ko hai 'e lava 'o tokoni ki ha toe fehu'i kehe kau ki he Kinitakāteni ki he Fānau Ta'u Tolu

- Ko ho'o kinitakāteni pe ko kinautolu 'oku fakahoko e sēvesi ni 'i homou feitu'u, kau ki ai e sēvesi tokangaekina 'aho kakato
- Ko e kosilio fakakolo pe neesi 'oku ne tokangaekina e ngaahi fā'e mo e longā'i fānau
- Telefoni ki he Laine Telefoni ma'ae Mātua Tauhi Fānau (Parentline) 13 22 89 'i he Potungāue Mo'ui (Department of Health - DH)
- 'Imeili ki he 3yo.kindergarten@education.vic.gov.au

'A'ahi ki he www.vic.gov.au/kinder

